

13. oktober 2006

UKA 2006/29

allannguutissatut siunnersuut

**Akileraaruserinermik ingerlatsineq pillugu Inatsisartut inatsisissaattut siunnersuummut**

(Skatterådimit allaffeqarfimmik attuumassuteqanngitsumik pilersitsineq)

Akilerartarnermut Akitsuusiisarnermullu Ataatsimiititaliami ikinnerussutilimmit Demokraatineersumit saqqummiunneqartoq.

§ 5-imut.

1. § 5, imm. 7, ima oqaasertalerneqassaaq:

"Imm. 7. Skatteråde nammineq allaffeqarfimminik pilersitsissaaq."

Nassuiaatit

Skatterådip allaffeqarfikkoortumik kiffartuunneqarnissaa kiisalu sulisutigut aaqqissuussaani kullu akilerartarnermut ingerlatsivimmit immikkoorsinneqartumik sulianut siunnersorneqarnissaa allannguutikkut qulakkeerneqassaaq. Ulloq 1. januar 2007 aallarnerfigalugu aqutsinerup qitiusumut inissinneqarnerata kinguneratut akilerartarnermut ingerlatsivik siunissami naammagittaalliutitut suliani iliuuseqarnikkut illua tungiusup taamaalilluni aapparilissavaa. Akilerartarnermut ingerlatsiviup naammagittaalliutitut suliat aalajangerneqarnerini peqataanissaa tamatuma mattuttariaqartussaassavaa.

Akilerartarnermut Akitsuusiisarnermullu Ataatsimiititaliap isumaliutissiissutaattaq innersuussutigineqarpoq.